

KANUNUPE Kalaallit Nunaanni Nunaqarfimmiut Peqatigiiffiat

”Suliffissaaleqineq/Ilinniartitaaneq”

Suliffissaaleqineq annertoq ukiut makkua nalaatarput aammattaaq nunaqarfimmiunut eqquisimavoq

Ataatsimut isigissagaanni sumiiffiit tamapajaamik suliffissaaleqinermik eqqugaasarput, ilaatigut ukiup qanoq ilinera apeqqutaalluni qaffariaateqarlutillu appariaateqartarlutik

Nalunngisavut malillugit suliffissaaleqisut piffinni aalisakkanik tunisassiorfiusuni, tunisinerup uninneragut angerlarartinneqartarnerat atuuttarpoq, taamaasisoqartillugulu suliffissaaleqisut amerleriapiloortarput, tassami ataatsimut isigalugu nunaqarfiit inuttoorsuunngillat, suliffissaaleqinermillu taamatut pisoqartillugu annertuumik sunnigaasarput, taamatut eqquisoqartillugu sulisut pineqartut illoqarfinni pikkorissarnikkut periarfissinneqartartut ilisimavarput, piffissarlu manna iluatsillugu Kanunupe-mit oqariartuutigerusupparput aammattaaq nunaqarfinni taamatut pisoqartillugu sulisut pineqartut pikkorissarneqartarnissaanut arlaagut suleqatigiiffiusumik siunnerfiliisoqarnissaa, taamaasiornikkut sapinngisamik suliffik ukiumoornerusoq anguniarneqarsinnaassamat

Aammattaarli ilisimavarput suliffissaqaannginneq pissutaalluni ilaatigut piffik sivisooq atorlugu suliffissaaleqineq aamma Nunaqarfiini atuuttoq, taamatullu sivisuumik suliffissaaleqisuusut inuttut ikorfartortariaqalersimasuusarput taakkulu immikkut suliniarfigineqartarnissaat pingaarutilittut immikkut isiginiarneqartariaqartoq oqariartuutigaarput

Nalunngilarput suliffissaaleqisut amerlanersaat ilinniagartuunngimmata, aammalu suliniutigineqartoq ilisimavarput sapinngisamik suliffissaaleqisut arlaagut siunnersorneqarsinnaanerart pillugu suliaqartoqartartoq

Tunngaviatigut assortuussutissaanngilaq pisariaqartinneqarmat ullutsinni ilinniagartuunissap pingaartinneqaleriartuinnarnera, aammattaaq nunaqarfini tamanna pingaartinneqaleriartortoq ilisimavarput

Ilisimavarputtaaq ilinniaqqissinnaanissamat periarfissarsiortoqartartoq, ajoraluartumilli qinnuteqartartut tamarmik inissameerneq pissutaalluni tingusaaneq ajortut

Pingaaruteqarpoq alloriaqqinnissaq pingaartumik inuusunnerusut unittoorsimasut eqqarsaatigalugit, taakkorpiaallu ilaatigut maanna suliniuteqarfigineqalernerat isumalluarnartutut isigaarput, aammali eqqaassallugu suliassap imaannaanngitsuunera, tassami piffiit amerlasuut ilaatigut immikkut suliniuteqarfiginissaat pinngitsoorneqarsinnaanngimmat

Kanunupe-mit pingaartipparput suliffissaaleqinerup/ilinniakkamillu aallusseqqinnissap suliniuteqarfigiuarnissaa, taamaasiornikkut ilorraap tungaanut alloriartoqarsinnaasoq upperigatsigu, aammattaarli pitsaasumik tunngavissalimmik meeqqat atuarfiannit pissarsisimanissap pingaassusaa eqqaaneqartariaqarpoq, tassami ilisimavarput

Nunaqarfinni meeqqat atuarfiini angusat illoqarfinnut sanilliullugit ilaatigut
ajoraluartumik appasinnerusarmata fagit ataasiakkaat eqqarsaatigalugit

Tamatumap qaagerniarnissaa pingaaruteqarpoq, ullutsinnimi atortorissaarutit
naassaangiusartumik periarfissaqarfiini sulii annerusumik atorluarneqarnerunissaa
soorluli nangiarfigivallaarneqartoq

Tunngaviatigut una assortunngilarput tassalu ilinniarsimasunik ilinniartitsisoqarnissap
pingaassusaa, aamma ilisimavarput nunaqarfiit ilaqarmata ilinniarsimasunik
ilinniartitsisoqanngitsunik, aammattaaq ilisimavarput ilaatigut fagit ilinniarsimasunik
peqarfiugaluartuni sanngiiffiqarsinnaasernerat, taamaattumik IT
atorneqarnerunissaa siunnerfiusariaqarpoq, alimasissumik atuartitsisinnaaneq maanna
piffissami sivilisiumik eqqartorneqarpoq, ilaatigut misilerarneqarpoq atorneqarlunilu,
kisiannili nunamut tamarmut siammarsinnaanera sulii sanngiiffiqarpoq

Kanunupe-mit kissaatigaarput tamatumap siammarsarneqarnissaa pimoorullugu
anguniarneqassasoq, tassa meeqqat atuarfiannut naatsorsuutigisavut
assigiinnerulissammata sumi najugaqartuunerput apeqqutaatinnagu

Aammattaarli ilisimavarput nunaqarfinni meeqqat atuarfiat naammassineqarsinnaaneq
ajormat, allatullu ajornartumik meeqqat atuarfiat naammassiniarlugu illoqarfimmut
atuariartortoqartarmat, ilaatigullu ajoraluartumik angerlarsernerup pianik
angerlaannartartut amerlasuujummata, tamakku inuusuttunnguit aqqutissiuunnissaanut
siunnersorneqarnissaannullu suliniuteqarnerunissarput piaartumik anguneqartariaqartoq
Kanunupe-mit oqariartuutigaarput